

書名 大佛頂如來密因修證了義諸菩薩萬行首楞嚴  
 經十卷 弘治二年刊本  
 撰者 宋 戒環 解  
 卷 卷八  
 內容分類 子-釋家-經  
 索書號 子部-釋家-經疏-7.5  
 編號 C6463300

# 卷八

彩色首頁1

東洋文化研究所漢籍目錄 編號: C6463300  
 東洋文化研究所漢籍目錄所藏漢籍善本文影像資料庫 索書號: 子部-釋家-經疏-7.5  
 漢籍善本文影像資料庫文本大佛頂如來密因修證了義諸菩薩萬行首楞嚴經十卷  
 弘治二年刊本

版權所有: 東京大學 東洋文化研究所  
 使用上的注意事項

大佛頂如來密因修證了義諸菩薩萬行首楞嚴經卷第八

溫陵開元蓮寺比丘

戒環

解

開釋科三

初通釋經題

如來果體其體本然何假密因菩薩道用其用無作  
 萬行無因無行無修無證無了不了大小名相一切  
 此真首楞嚴豈竟堅固者也特以衆生如來隱於  
 密因不顯衆生菩薩淪於七趣非萬行不修覺  
 示之以大法使不迷於小道而默得乎無外之  
 以佛頂使不滯於相見而妙極乎無上之致指  
 因使明本妙心知三世諸佛皆依此為初因明  
 義使悟究竟法知一切聖人皆依此而證果乃

東洋文化研究所藏



嬰音粹音姥莫補切煙音既如質切針巨澄切憚徒按切迄許訖切凌音益烏浪切  
 辯胡化切樺胡化切組莊助切參初錦切天於兆切刻音區宜俱切邏郎个切蠢尺尹切  
 歸而少切鮫音蝦呼牙切梟音瑰若對切

以竹召史承孫

崔朋山

福只

一王山

班春

將米

崔終童燕

台主才主  
文孝善才主

大佛頂如來密因修證了義諸菩薩萬行首楞嚴經卷第八

四令除妄本

此證果漸次也前既令識妄因以復令除妄本者知賊所在即須討除使陰仇殄蕩性字晏清然後優游趣證得

無艱險文二

初牒舉本因

阿難如是衆生一一類中亦各各具十二顛倒猶如担目亂華發生顛倒妙圓真淨明心具足如斯虛妄亂想

十二顛倒即動顛倒欲顛倒至殺顛倒也以是妄擾真心而成八萬四千亂想

二正令除妄三

初惣告三法

渡令修證佛三摩地於是本因尤所亂想立三漸次方得除滅如淨器中除去毒蜜以諸湯水并雜灰香洗滌其器



後時甘露云何名為三種漸次一者修習除其助因二者  
真修剷其正性三者增進遠其現業

為正緣斷則達

二詳明三法

一除助因

云何助因阿難如是世界十二類生不能自全依四食住

所謂段食觸食思食識食是故佛說一切眾生皆依食住

阿難一切眾生食甘故生食毒故死是諸眾生求三摩地

皆斷世間五種辛菜

分段鬼神觸食但欲觸而飽禪天則思食食至或但思

之則飽識天識食既無形色但以識想此直明眾生皆

依食住而因食識斷五辛不必他引也五辛一大蒜二

葱慈三慈葱四蘭慈五興渠五者常穢內發姪志外引

邪魅故名助因俗齋不茹况真修者

是五種辛熟食發姪生散增恚如是世界食辛之人縱能

宣說十二部經十方天仙嫌其臭穢咸皆遠離諸餓鬼等

因彼食次詆其膺吻常與鬼住福德日消長無利益是食

辛久修三摩地菩薩天仙十方善神不來守護大力魔王

得其方便現作佛身來為說法非毀禁戒讚姪怒癡命終

自為魔王眷屬受魔福盡墮無間獄阿難修菩提者永斷

五辛是則名為第一增進修行漸次

云何正性阿難如是眾生入三摩地要須嚴持清淨戒律

永斷姪心不餐酒肉以火淨食無散生氣阿難是修行人

若不斷姪及與殺生出三界者無有是處當觀姪欲猶如



毒蛇如見冤賊。欲刺殺正性，必持戒律，不飲酒防亂之至也。不啖生防殺之至也。律中五果皆須火淨，示不取生氣也。姪如毒蛇，冤賊者能害法身，殺慧命故。先持聲聞四棄八棄，執身不動，後行菩薩清淨律儀，執心不起。執身使無犯也，執心使無思犯也。禁戒成就，則於世間永無相生相殺之業。偷劫不行，無相負累，亦於世間不還宿債。姪殺相襲，偷劫相負，由無禁過故。禁戒成就，二業永無。是清淨人，修三摩地，父母肉身，不須天眼，自然觀見十方世界，親佛聞法，親奉聖旨，得大神通，遊十方界，宿命清淨，得無艱險。業性剷盡，則妙性圓明。

是則名為第二增進修行漸次

三違現業

云何現業阿難如是清淨持禁戒人心無貪姪於外六塵不多流逸。流逸奔塵起現前業由戒禁制得不流逸。

斯能遠

因不流逸，旋元自歸塵既不緣根無所偶及流全一六用不行十方國土皎然清淨譬如琉璃內懸寶月身心快然妙圓平等獲大安隱一切如來密圓淨妙皆現其中是人即獲無生法忍。流則分湛合塵故不流則旋元無偶遂能及六用之擾全一真之湛譬之川水及流全一斯自淵澄湛性淵澄故國土身心妙圓清淨與如來合故一切如來密圓之心淨妙之性皆現其中也華嚴十忍



第三曰無生法忍謂不見有少法生不見有少法滅離諸情垢無作無願安住是道名之曰忍言法忍者揀異二乘伏忍也

從是漸修隨所發行安立聖位是則名為第三增進修行漸次業淨性明乃可發行升進聖位五十七位各隨行相立名使觀其名義知所修進也

五歷示聖位十一 一乾慧地

阿難是善男子欲愛乾枯根境不偶現前殘質不復續生執心虛明純是智慧慧性明圓證十方界乾有其慧名乾慧地欲愛潤惑根境造業生死相續唯此而已故欲枯境謝則殘質不續無所汨雜故執心虛明純是智慧

然約入位未與如來法流水接則乾有其慧而已聖位始於十住而以信為初因又於信前立乾慧地前立四加妙前立金剛乾慧者此三為轉位關要昇進方便初從凡發迹慧性不圓不能入信成賢賢行既成不加功用不能登地成聖聖位既終非金剛慧斷家後細惑蕩前位緣影不能造妙成佛故也 二十信 聖位以信為初因者純真無妄之謂信又相應之謂信必先審中中圓妙之道令純真無妄然後發行使心法相應則等妙雖懸可以徑造也 文十 一信心 欲習初乾未與如來法流水接即以此心中中流入圓妙開敷從真妙圓重發真妙妙信常住一切妄想滅盡無餘



中道純真名信心住 捨欲愛超乾慧猶在凡地未入  
法流故須於如來薩婆若海中中流入無所偏滯則圓  
妙之性於是開敷然猶餘妄習非真妙圓又須從真妙  
圓重發真妙而常住妙信使一切妄想滅盡無餘中中  
之道純真無妄故名信心住餘皆由此增進更無別法  
但隨位依真妙性淨治惑習單複練磨使纖塵不立即  
登妙覺也 二念心

真信明了一切圓通陰處界三不能為礙如是乃至過去  
未來無數劫中捨身受身一切習氣皆現在前是善男子  
皆能憶念得無遺忘名念心住 心真而明則一切圓  
通而陰等不礙故能洞照宿習憶治無遺 三精進心

妙圓純真真精發化無始習氣通一精明唯以精明進趣  
真淨智精進心 妙圓通性既純既真則妄習皆化唯

一精明而進乎真淨行無雜糅故名精進 四慧心

心精現前純以智慧名慧心住 妄習既盡故心精現

前而進趣云為純智無習矣 五定心 慧既純明

執持智明周徧寂湛窈妙常契名定心住 慧既純明

須定以持之使周徧寂湛窈妙之體常契不變乃名定

心 六不退心 定光發明明性深入唯進無退名不退心 以定持慧

至於窈湛故性光發明而深入於道 七護法心

心進安然保持不失十方如來氣分交接名護法心



既能深入又能保持使道同十方氣合如來是謂護法

八回向心

覺明護持能以妙力迴佛慈光向佛安住猶如雙鏡光明相對其中妙影重重相入名迴向心

由護法心進合

如來得妙覺明護持不失故能妙回向回佛慈光則迴

果向因也向佛安住則迴因向果也因果交參體用互

攝故譬雙鏡云云九戒心

心光密迴獲佛常疑無上妙淨安住無為得無遺失名戒

心住由迴佛心光而得之於我故曰獲佛常疑無上

妙淨常契則對境無動妙淨則波塵不染而戒心成矣

十真戒心

住戒自在能遊十方所去隨願名願心住對境無動

涉塵不染是謂住戒自在無動無染則無適不可故能

遊十方所去隨願地修行之初必枯絕欲愛使心性虛

明然後能入法流開妙圓性真性明圓細習乃現遂發

行治之使純智無習又持之以定使寂湛發光深入於

道護持不失斯能迴佛慈光獲佛淨戒而涉塵不染所

去隨願此十信之序也三十住從信趨入生

如來家依無住智永不退還名住文十一發心住

阿難是善男子以真方便發此十心心精發輝十用涉入

圓成一心名發心住真方便妙慧也此十心十信也

十心頓發圓成一心住佛智地名發心住聖位以十信



為初因以十住十行十願十地為漸次而終於等妙皆相躡而設欲令行人從信趨入住佛智地而依智起行濟行以願由是起三賢入十聖登等妙此修證之序也

二治地住

心中發明如淨琉璃內現精金以前妙心履以成地名治地住

心中發明內外精瑩惺心精發輝義也履是妙心以為真基名曰治地如將築室必先治地乃可興作也

三修行住

心地涉知俱得明了遊履十方得無留礙名修行住

由內外精瑩治成心地故所涉所知俱得明了則任運修進得無留礙

四生貴住

行與佛同受佛氣分如中陰身自求父母陰信冥通入如來種名生貴住

妙行密契則妙理冥感將生佛家為法王族故名生貴中陰論冥感之理也現陰已謝後陰未生之中名曰中陰

五方便具足住

既遊道胎親奉覺胤如胎已成人相不缺名方便具足住

同妙行之氣分冥妙理之中陰是遊道胎奉覺胤也道胎既成故妙相不缺而修行方便具足

六正心住

容貌如佛心相亦同名正心住

容止外同心相內異非正心也

七不退住

身心合成即益增長名不退住

同佛之德有進無退

八童真住



十身靈相一時具足名童真住 具體而微故以童稱

十身者菩提身願身化身力身莊嚴身威勢身意生身

福身法身智身也 九法王子住

形成出胎親為佛子名法王子住 自發心至生貴名

八聖胎自方便具足至童真名長養聖胎至此長養功

終故喻出胎王子 十灌頂住

表以成人如國大王以諸國事分委太子彼刹刹王世子

長成陳列灌頂名灌頂住 國大王天子也嫡嗣曰太

子刹刹王諸王也嫡嗣曰世子將付國位取大海水灌

頂表為王當承用衆智今此位衆德潛備堪任佛事故

表以成人陳列灌頂也言以國事分委則非正付國位

特表成人而已蓋此方極十住若十地行滿分堪正付

故華嚴十地菩薩受佛職位此輪王太子受職夫發心

必治地治地乃修行修行然後生如來家而具覺相同

佛心長道體圓十身為佛子任佛事此十住始終之序

也 四十行 既依普智住佛所住遂能繁興妙

行自利利人 文十 一歡喜行

阿難是善男子成佛子已具足無量如來妙德十方隨順

名歡喜行 具佛妙德故能十方隨順無適不可自他

利備機應俱喜名歡喜行 二饒益行

善能利益一切衆生名饒益行 善推妙德益以利人

三無嗔行





自覺覺他得無違拒名無嗔恨行、 嗔恨生於違拒

四無盡行

種類出生窮未來際三世平等十方通達終無盡行、

觸類而長隨機而應利行無盡、 五離癡亂行

一切合同種種法門得無差誤名離癡亂行、 於法不

了曰癡於行紛錯曰亂今能一合於法得無差誤故離

癡亂、 六善現行

則於同中顯現群異一一異相各各見同名善現行、

由無癡亂故能於種種法門互現隨應圓融自在所謂

善現、 七無著行

如是乃至十方虛空滿足微塵一一塵中現十方界現

現界不相留礙名無著行、 此由善現行充擴圓融也

塵中現刹名現界不毀塵相名現塵、 八尊重行

種種現前咸是第一波羅蜜多名尊重行、 種種所現

皆是般若性德無作妙力自在成就故名尊重金剛稱

第一波羅蜜即般若也、 九善法行

如是圓融能成十方諸佛軌則名善法行、 十方諸佛

以是成道以是利生、 十真實行

一皆具清淨無漏一真無為性本然故名真實行、

惣括前行無非真性本然妙用相雖萬殊體唯一真故

名真實如是十行乃至後位不離前法而皆相躡別設

者一使行人隨位增進開擴性覺淨治惑障而成熟佛





果也 五十回向亦名十願 前十住十行出俗

心多大悲行劣此須濟以慈悲處俗利生回真向俗回智向悲使真俗圓融智慧不二

此備矣 文十 一救護衆生離衆生相回向

阿難是善男子滿足神通成佛事已純潔精真遠諸留患

當度衆生滅除度相回無為心向沮解路名救護一切衆生

離衆生相回向 滿足神通至遠諸留患牒前現塵現

界不相留礙等事謂此行滿足當修回向行也回向之

行悲彰家深故職在度生然見有可度即涉有為背沮

解路故須滅除度相回無為心向沮解路也

二不毀回向

壞其可壞遠離諸離名不壞回向 壞其可壞謂遠離

一切虛妄境界也遠離諸離謂離遠離幻亦復遠離也

得無所離即除諸幻而證不壞矣 一三等一切佛回向

本覺湛然覺齊佛覺名等一切佛回向 無壞不壞無

離不離乃湛然齊佛 四至一切處回向

精真發明地如佛地名至一切處回向 覺湛故精真

發明地如佛地前覺等一切則真如體徧也此地至一

切則真如界徧也 五無盡功德藏回向

世界如來互相涉入得無罣礙名無盡功德藏回向

真界真體二俱圓通故涉入無礙任運發輝德用無盡

六隨順平等善根回向



於同佛地地中各各生清淨因依因發輝取涅槃道名隨  
順平等善根回向 同佛地即前地如佛地也於一切  
處各起淨因取涅槃道是謂平等善根

七隨順等觀衆生回向

真根既成十方衆生皆我本性性圓成就不失衆生名隨  
順等觀一切衆生回向 平等善根性真圓融周徧法

界故十方衆生皆我本性我善既成故能成就一切衆  
生善根無有遺失無有高下名隨順等觀

八真如相回向

即一切法離一切相唯即與離二無所著名真如相回向  
如故即真故離有即有離是假真如二無所著名真真

如也 九無縛解脫回向

真得所知十方無礙名無縛解脫回向

依假真如則不

無滯礙是有縛解脫唯真得所知故一切無礙乃名無  
縛解脫 十法界無量回向

性德圓成法界量滅名法界無量回向

初證性德以

為齊佛以為如佛以為至一切處等皆存量見則法界  
性未離有量及乎性德圓成乃滅量見乃得無量此惣

治前位限量情見也此性圓成可超三賢入十聖矣  
六四加行 三賢位極當於此際復加功行即入聖

位 文二 一際前惣標

阿難是善男子盡具清淨四十一心次成四種妙圓加行



四十一心者乾慧一信佳行向各十小乘通教皆有四加而非妙非圓故此特稱妙圓加行

二詳開行位四 一煖位

即以佛覺用為已心若出未出猶如鑽火欲然其木名為煖地 佛覺果覺也前雖能齊未能正證今極賢位將

趨聖果即須用佛果覺為已因心復加功行以求正證火喻果覺未喻因心鑽喻加行初入因位未即得果故譬鑽火方得煖相 二頂位

又以已心成佛所履若依非依如登高山身入虛空下有微礙名為頂地 前以佛覺為已心此以已心成佛行則因心果覺已鄰極矣故譬如登高山身入虛空但因

果未融心跡尚滯故云下有微礙然已到頂地少需獲進則微礙除矣 三忍地

心佛二同善得中道如忍事人非懷非出名為忍地 已心佛覺融為一體曰二同因果兩忘二邊不立曰中

道此中道果覺將證未證故如忍事人非懷非出 四世第一地

數量消滅迷覺中道二無所目名世第一地 前位謂

之二同則已墮數量見有中邊則強分迷覺此俱泯滅而名亦不立脫世情量超於三賢故名世第一若進十

聖極乎妙覺乃出世第一也 七十地 蘊積前

法至於成實一切佛法依此發生故謂之地也自十信



已還位皆躡跡相資直趨妙覺於中不無斷證是皆不  
斷而斷不證而證或說每地斷一障二愚修一波羅密  
名相煩紊辭義透闊故今略之直取躡迹相資之義而  
釋庶修進者煥然易悟耳 文十 一歡喜地

阿難是善男子於大菩提善得通達覺通如來盡佛境界

名歡喜地 向雖覺齊佛覺未能盡佛菩提境界今由

加行妙圓故善能通達而盡之矣由是法喜復增故復

名歡喜地 二離垢地

異性入同同性亦滅名離垢地 通大菩提盡佛境界則一切

障礙即究竟覺眾生國土同一法性是異性入同也然則異見

同還是情垢至於同性亦滅乃名離垢地 二發光地

淨極明生名發光地

情見之垢淨則妙覺之明生

四焰慧地

明極覺滿名焰慧地 明極覺滿如大火聚一切緣影

悉皆燦絕故名焰慧 五難勝地

一切同異所不能至名難勝地 前雖異性入同同性

亦滅猶有能至之境此以焰慧燦絕故一切同異所不

能至至尚不能孰能勝我 六現前地

無為真如性淨明露名現前地 人莫不有真如淨性

蓋常為一切同異之所揜蔽故同異不至則明露現前

七遠行地

盡真如際名遠行地 真如現前分證則為盡際乃遠



迥超極造故名遠行

八不動地

一真如心名不動地

既盡其際乃全得其體一真契

常故名不動

九善慧地

發真如用名善慧地

既得真體斯發真用凡所照應

無所不真無所不如故名善慧

阿難是諸菩薩從此已往修習畢功功德圓滿亦目此地

名修習位

此結前顯後也聖位惣束有五資糧三

賢也二加行四加也三通達初地也四修習即此也五

無學妙覺也自初發信至超賢入聖皆修習之事而此

位已超八地無功用道智慧並圓則修習之功終畢於

此故名修習以結十地之因也次後乃十地之果無復

所圖

修習矣華嚴十地以金剛藏表因解脫月表果亦以因

地有修果地無修也問後位既無修習復有斷障之事

何耶曰此明智悲功終得十地果而已若論斷障則等

覺之位猶是修習故至妙覺乃名無學

十法雲地

慈陰妙雲覆涅槃海名法雲地

慈陰妙雲十地果德也

涅槃海妙覺果海也十地果滿智慧功圓無復自利純

是利他故大悲之陰充徧法界無心無緣而應彼心緣

施作利潤而本寂無作稱合如來大寂滅海故云覆也

八等覺位

如來逆流如是菩薩順行而至覺際入交名為等覺

十地菩薩混俗利生與如來同但所趨逆順與如來異



蓋如來逆生死流出同萬物菩薩順涅槃流入趨妙覺  
已至覺際故名入交與佛無間故名等覺即解脫道前  
無間道也此雖齊等未極於妙蓋能順能入而已須於  
大寂滅海逆流而出妙同萬物乃名妙覺也

九金剛慧

阿難從乾慧心至等覺已是覺始獲金剛心中初乾慧地  
此名等覺後心妙覺伏道妙覺之道無別行相但從初  
乾慧至等覺已復起金剛心從初重歷諸位破斷微細  
緣影寂後無明使纖塵不立乃可入妙為其復從初位  
以始故名金剛心中初乾慧地識陰盡者能入菩薩金  
剛乾慧即此也前名乾慧以未與如來法流水接此名

乾慧以未與如來妙莊嚴海接名雖乍同義乃迥別

十妙覺

如是重重單復十二方盡妙覺成無上道  
圓覺有單復圓修之義今此獨由信心以歷諸位曰單兼金剛心重歷  
諸位曰復十二者乾信任行向煖頂忍世地金等是也  
十二為因妙覺為果故單復十二方盡妙覺成無上道  
是種種地皆以金剛觀察如幻十種深喻奢摩他中用諸  
如來毗婆舍那清淨修證漸次深入  
此叙其用金剛  
心成就妙覺之方也種種地十二位也十喻者幻人陽  
焰水月空花谷響乾城夢影像化也了法如此則頓忘  
情解纖塵不立故曰清淨修證奢摩他毗婆舍那云止



觀言如來者棟異小乘 十一愬結功用

阿難如是皆以三增進故善能成就五十五位真菩提路  
作是觀者名為正觀若他觀者名為邪觀 三增進三

漸次也聖位皆資之以成就也信住行向地為五十并

乾慧四加等妙有五十七位獨指五十五為菩提路者

等妙乃菩提之果由是路以趣證也或指金剛觀察及

止觀為三增進 四結經分 正宗未終而遽結

經者自初示密因次開修證而卒乎極果則經之正範畢

矣故於此結也後之二科戒備失錯深防邪誤特助道

而已故於後別列乃正助之辯也 文二 一請問經名

爾時文殊師利法王子在大眾中即從座起頂禮佛足而

白佛言當何名是經我及眾生云何奉持

二如來標示五 一標藏心法眼

佛告文殊師利是經名大佛頂悉怛多般怛羅無上寶印

十方如來清淨海眼 大佛頂白傘蓋無上寶印者體

極會覆超情離見即如來藏之心印也證佛心要必契

於此十方如來清淨海眼者照窮刹海淨絕纖塵即燦

迦羅之法眼也開佛知見必資於此實大事因緣非小

智之法故以文殊請問 二明濟度妙力

亦名救護親因度脫阿難及此會中性比丘尼得菩提心

入遍知海 阿難為親摩登為因舉斯二者明有緣皆

度也無上正覺由此經得一切智海由此經入



三明果人同修

亦名如來密因修證了義。如來正果藉此為因。權乘修證皆不了義。四明衆德大備。

亦名大方廣妙蓮華王十方佛母陀羅尼呪。體極無

外方正平等周徧含容名大方廣因果同彰潔淨不滯

於法自在名妙蓮華王出生十方一切諸佛愨一切法

持無量義名十方佛母陀羅尼呪。五明因人同證

亦名灌頂章句諸菩薩萬行首楞嚴汝當奉持。

菩薩由此受佛職位故名灌頂章句。五助道分二

一別明諸趣戒備失錯。文云令持戒者謹潔無犯

不入邪見即戒備意也。文二。初阿難繼請二

初結前讚謝

說是語已即時阿難及諸大衆得蒙如來開示密印般怛

羅義無間此經了義名目頓悟禪那修進聖位增上妙理

心慮虛疑斷除三界修心六品微細煩惱。此結叙時

衆獲益下乃讚謝也開示密印至增上妙理通指前經

與義也印證藏心清淨舍覆一切決了是謂密印般怛

羅了義也以明心見性為因以等妙極證為果纖塵不

立情解兩忘心慮及疑細惑頓斷是謂禪那修進增上

妙理也修道所斷俱生細惑大乘入地永伏至佛地方

斷小乘於三界分九地地各九品初果斷欲界前六品

而證二果斷後三品而證三果斷上二界各九品而證



無學今此增上頓斷故言三界六品其餘三品必須佛  
地方斷雖三果能斷九品特分斷漸伏而已  
即從座起頂禮佛足合掌恭敬而白佛言大威德世尊慈  
音無遮善開眾生微細沉惑令我今日身心快然得大饒  
益益正讚謝也俱生幽隱故曰沉惑

二正請後法三 一正問

世尊若此妙明真淨妙心本來徧圓如是乃至大地草木  
頓動含靈本元真如即是如來成佛真體佛體真實云何  
復有地獄餓鬼畜生修羅人天等道前說真淨妙心  
本來圓徧則法界一真萬動一體宜無諸趣之異其如  
方今現有乃常情所疑故或執諸趣而迷妙圓之體或

執妙圓而撥諸趣之業以致失錯墮落故特請問冀行  
人詳明而知所戒備也

世尊此道為復本來自有為是眾生妄習生起自妄  
發生非本來有 二引事

世尊如寶蓮香比丘尼持菩薩戒私行姪欲妄言行姪非  
殺非偷無有業報發是語已先於女根生大猛火後於節  
節猛火燒然墮無間獄琉璃大王善星比丘琉璃為誅瞿  
曇族姓善星妄說一切法空生身陷入阿鼻地獄此諸地  
獄為有定處為復自然彼彼發業各各私受不斷三  
業各各有私界同分中非無定處也琉璃匿王太子廢  
父自立被宿嫌誅釋種佛記其七月當入地獄王從海



以避水中自然燒滅善星比丘能說十二部經獲四禪  
果因狎邪友妄言無佛無法無有涅槃故生陷無間此  
皆謬執妙真撥無業趣者也 三結請

惟垂大慈發開童蒙令諸一切持戒眾生聞決定義歡喜  
頂戴謹蒙無犯 二如來開示二 初讚許

佛告阿難快哉此問令諸眾生不入邪見汝今諦聽當為  
汝說 二正示四 一因妄生習二 一慈標

阿難一切眾生實本真淨因彼妄見有妄習生因此分開  
內分外分 二別明二 一內分積情

阿難內分即是眾生分內因諸愛染發起妄情積不休  
能生愛水是故眾生心憶弥羞口中水出心憶前人或憐

或恨目中淚盈貪求財寶心發愛涎舉體光潤心著行姪  
男女二根自然流液 心動於內曰情故情為內分情

人之陰氣有欲者也故因諸愛染而起以陰積故能生  
愛水潤業潤生輪迴不斷職皆由此

阿難諸愛雖別流結是同潤濕不生自然從墜此名內分  
諸愛不一皆能感水結惑故曰流結是同水性沉下故

情積之業多從淪墜 二外分發想

阿難外分即是眾生分外因諸渴仰發明虛想想積不休  
能生勝氣是故眾生心持禁戒舉身輕清心持呪印顧盼

雄毅心欲生天夢想飛舉心存佛國聖境真現事善知識  
自輕身命 意緣於外曰想故想為外分想人之陽氣



有真者也故因渴仰而發以陽精故能生勝氣如輕清  
雄放等事皆勝氣也。想能生勝而卵以想生者由染淨  
異也。

阿難諸想雖別輕舉是同飛動不沉自然超越此名外分  
諸想不一皆能輕清飛舉故曰輕舉是同以輕舉故多  
能超越。

二從習感業三

一標感變之時

阿難一切世間生死相續生從順習死從變流臨命終時  
未捨爇觸一生善惡俱時頓現死逆生順二習相交  
人之情習好生惡死以生為順以死為變逆順相交謂  
方死方生之間也。一生善惡之業即於是時隨其情想  
輕重而感變焉。

二辯感變之理五

一純想

純想即飛必生天上若飛心中無福無慧必與淨願自然  
心開見十方佛一切淨土隨願往生。想體輕舉故純

即飛升然此持純善故止於生天若無修福慧淨影則

二習交時感變倍勝。二情少想多

情少想多輕舉非遠即為飛仙大力鬼王飛行夜叉地行

羅刹遊於四天所去無礙。勝想不純必滯邪情故感此類

其中若有善願善心護持我法或護禁戒隨持戒人或護  
神呪隨持咒者或護禪定保綏法忍是等親住如來座下  
雖滯邪情而有善影斯感善緣即天龍八部類也。

三情想均等

情想均等不飛不墜生於人間想明斯聰情幽斯鈍



人有聰鈍其理如此

四情多想少

情多想少流入橫生重為毛群輕為羽族

此六情四

想也情多故淪變帶想故飛舉而重業不能但為毛群

橫生即旁首者由行不正故

七情三想沉下水輪生於火際受氣猛火身為餓鬼常被

焚燒水能害已無食無飲經百千劫俱舍說大地家

下有金水風輪有八寒八熱地獄在三輪之上此文說

沉下水火風輪又似地獄在三輪之下疑此所指非地

下三輪乃地獄三輪也言水輪火際即寒獄第八也受

氣猛火謂受火氣以為身故常被火燒或得水飲亦化

為火故曰水能害已

九情一想下洞火輪身入風火二交過地輕生有間重生

無間二種地獄情業愈滯故獄報愈沉下洞火輪即

八熱獄也入風火交過地謂超寒獄入熱獄也熱獄第

八名五無間有間即餘七也五純情

純情即沉入阿鼻獄若沉心中有謗大乘毀佛禁戒誑妄

說法虛貪信施濫膺恭敬五逆十重更生十方阿鼻地獄

阿鼻此云無間謂受罪苦具身量劫數壽命五者皆無

遮間名五無間獄此唯情業家重者墜入至劫壞乃出

若無謗大乘等罪則此劫雖壞更入十方阿鼻無有出

期以謗法毀戒令無窮人墮邪見故三結所感以答

前問地獄

循造惡業雖則自招眾同分中無有元地





為有定處為復自然故答循情以造雖則自招同業所  
感不無定處元地者各隨元由也  
三從業分趣下  
從地獄上至非想  
文七  
一、地獄趣  
二、一結前起後  
阿難此等皆是彼諸眾生自業所感造十習因受六交報  
前略明情想感變此詳明根境構造也十習本於十惑  
以習成惡業六交因乎六根而交起惡報  
二、惣微別明五  
一、十習因十  
一、淫習  
云何十因阿難一者淫習交接發於相磨研磨不休如是  
故有大猛火光於中發動如人以手自相摩觸煖相現前  
二習相然故有鐵床銅柱諸事  
惡業起於情感而淫  
為情感之窟故前後皆首明之十習之業皆先言所感

之境次言所報之事淫感火業由感心熾盛相摩而發  
也故所感之境見大猛火舒王曰淫習研磨不休自耗  
其精則火界熾然於其生也尚有消渴內熱等疾則其  
死也見大猛火宜矣能所交熾名二習相然故有鐵床  
銅柱之報乃應其習業也  
是故十方一切如來色目行姪同名欲火菩薩見欲如避  
火坑  
如來為道師故色目以警之菩薩為行人故深  
怖以避之色目猶詔目也  
二、貪習  
二者貪習交計發於相吸吸攬不止如是故有積寒堅冰  
於中凍列如人以口吸縮風氣有冷觸生二習相陵故有  
吒吒波波羅羅青赤白蓮寒冰等事  
貪習感水由愛



心計著吸取而發也。吸積風為寒風，結水為冰，故有積寒凍冽之境。叱咤寒冰之報，即寒冰獄也。俱舍云：叱波羅等，恐寒聲也。青赤白蓮，寒冰色也。

是故十方一切如來色目，多求同名貪水。菩薩見貪如避瘴海，貪水能潤業滋惡，瘴海能毒性命。役身。

### 三慢習

三者慢習，交陵發於相恃，馳流不息。如是故有騰逸奔波，積波為水，如人口舌自相綿味，因而水發。二習相鼓，故有血河。灰河熱沙，毒海融銅，灌吞諸事，是故十方一切如來色目，我慢名飲癡水。菩薩見慢如避巨溺。慢習驕逸，由輕凌恃已而發，以驕佚馳流，故感騰逸奔。

波之境，積致惡毒，故有血河。灌吞之報，慢能滋癡，故如飲癡水，能致深害。故譬巨溺癡水，西國水名。

### 四瞋習

四者瞋習，交衝發於相忤，忤結不息，心熱發火，鑄氣為金。如是故有刁山鐵板，劍樹劍輪，斧鉞鎗鋸，如人銜冤殺氣，飛動二習相擊，故有官割斬斫刺槌擊諸事。是故十方一切如來色目，瞋恚名利，刁劍菩薩見瞋如避誅戮。

心屬火氣，屬金。瞋者由心作氣，而及動其心，加之衝擊，抵忤則心火轉盛，氣金轉剛，故曰心熱發火，鑄氣為金。

也。斷刑曰官，肉刑曰割。五詐習。

五者詐習，交誘發於相調，引起不住。如是故有繩木絞校。



如水浸田草木生長二習相延故有扭械枷鎖鞭杖過棒  
諸事是故十方一切如來色目姦偽同名讒賊對菩薩見詐  
如畏豺狼詐習依姦智起惡而漸滋蔓故如水浸田  
草木生長由調引相延故感繩木延引之事讒賊姦詐  
敗正者也六誑習  
六者誑習交欺發於相罔誣罔不止飛心造姦如是故有  
塵土屎尿穢汙不淨如塵隨風各無所見二習相加故有  
沒溺騰擲飛墜漂淪諸事是故十方一切如來色目欺誑  
同名劫殺菩薩見誑如踐蛇虺誑者以狂言欺人其  
志誣罔其心飛揚如風鼓塵使人無見故感塵土穢惡  
之境沒溺騰墜之報七寃習

七者寃習交熯發於含恨如是故有飛石投礮匣貯車檻  
甕盛囊撲如陰毒人懷抱喜惡二習相吞故有投擲擒捉  
擊射挽撮諸事是故十方一切如來色目寃家名違害鬼  
菩薩見寃如飲鴆酒寃習含恨陰隱為傷故如陰毒  
畜惡而感飛石囊撲之境投擲挽撮之報飛石投擲車  
匣牢柵皆陰隱事也八見習  
八者見習交明如薩迦耶見戒禁取邪悟諸業發於違拒  
出生相及如是故有五使主吏證執文籍如行路人來往  
相見二習相交故有勘問權詐考訊推鞠察訪按究照明  
善惡童子手執文簿辭辯諸事是故十方一切如來色目  
惡見同名見坑菩薩見諸虛妄徧執如入毒壑



見習有五一陸迦耶此云身見謂執身有我種種計著  
二邊見於一切法執斷執常三邪見邪悟錯解撥無因  
果四見取非果計果如以非想為涅槃之類五戒禁取  
非因計因如持狗戒為生天因之類此五慾名惡見順  
邪及正故云發於違拒出生相及由其違反故感王吏  
證執之境權詐推鞠之報路人相見一法一迴喻所見  
違反也是五惡見能陷法身故名見坑能致業苦故名  
毒整行人當疾滅之九枉習

九者枉習交加發於誣謗如是故有合山合石碾磑耕磨  
如讒賊人逼枉良善二習相排故有歷捺槌按感滅徇度  
諸事是故十方一切如來色目究謫同名讒扁善謹見枉

如遭霹靂於於不宜曲而曲之曰枉枉非真情由誣謗  
發逼壓於人故感報如之排擠挫也押捺亦其義也流  
瀝也衝橫也謂迫感其體瀝其血又於迫隘苦具橫  
衝而度所謂下透掛網倒懸其頭者皆衡度類也讒能  
傷人故名讒扁以可驚怖故喻霹靂

十訟習

十者訟習交誼發於蔽覆如是故有鑑見照燭如於日中  
不能蔽影二習相陳故有惡友業鏡火珠披露宿業對驗  
諸事是故十方一切如來色目覆藏同名陰賊善謹觀覆  
如戴高山覆於巨海訟訟非官訟公發其覆之謂也此  
正覆習也此覆彼訟曰交誼故感鑑見照燭之境惡友



對驗之報陰賊藏覆發則自害覆罪適足自歷自墜故  
如戴山履海也十習發於十惑通根本而無隨隨煩惱  
二十初曰忿恨惱覆誑諂惱害今詐習即諂也冤即恨  
也枉即害也訟即覆也略例而已

二六交報二

一惣標

云何六報阿難一切衆生六識造業所招惡報從六根出

從識造業從根顯報業報相會謂之交

二別明六

一見報二

一依根感業

云何惡報從六根出一者見報招引惡果此見業交則臨  
於時先見猛火滿十方界亡者神識飛墜乘煙入無間獄  
發明二相一者明見則能徧見種種惡物生無量畏二者

暗見寂然不見生無量恐

見覺屬火故感猛火畏見

於境恐截於心六交皆直入無間者就重言即成論云

極善極惡皆無中陰所以直入 二隨根轉變

如是見火燒聽能為鑊湯洋銅燒息能為黑煙紫酸燒味

能為焦丸鐵糜燒觸能為熱灰鑪炭燒心能生星火逆灑

煽鼓空界 聞聽屬水故燒聽能為鑊湯洋銅鼻鼻主

氣故燒息能為黑煙紫霧舌主味丸糜味類也身主觸

灰炭觸類也心正屬火燒之轉熾故逆灑煽鼓

二聞報二

一依根感業

二者聞報招引惡果此聞業交則臨於時先見波濤沒溺  
天地亡者神識降注乘流入無間獄發明二相一者聞聽



聽種種開精神愁亂二者閉聽寂無所聞幽魄沉沒  
聞聽屬水故觀聽旋復則水不能溺依之造業則能感  
波濤開閉猶通塞也愁昏也 二隨根轉變

如是聞波注聞則能為責為詰注見則能為雷為吼為惡  
毒氣注息則能為雨為霧灑諸毒蟲周滿身體注味則能  
為膿為血種種雜穢注觸則能為畜為鬼為真為屎注意  
則能為電為雹摧碎心魄 注聞發聲故為責罪詰情  
之事注見能為雷吼者聞波為陰見火為陽陰陽相薄  
而成雷故也注息為雨霧水隨氣變也注味為膿血水  
隨味變也注觸為畜鬼水隨形變也注意為電雹意出  
於心水火交感也一切物理莫不因五行乘陰陽以變

化故此隨根轉變之事皆不出此

三業報二 一依根感業

三者業報招引惡果此業報交則臨終時先見毒氣充塞  
遠近二者神識從地涌出八無間獄發明二相一者通聞  
被諸惡氣熏極心擾二者塞聞氣掩不通悶絕於地  
因貪惡者作種種業果感毒氣成種種報

二隨根轉變

如是臭氣衝息則能為質為履衝見則能為火為炬衝聽  
則能為沒為溺為洋為沸衝味則能為酸為爽衝觸則能  
為綻為爛為大肉山有百千眼無量呌食衝思則能為灰  
為瘡為飛砂礮擊碎身體 質礙也履通也業所依



不離通塞故衝息能為質履也衝見為火炬衝聽為沒  
溺洋沸則見覺屬火聞聽屬水明矣飢餒乘爽由味隨  
氣變也綻拆爛壞由體隨氣變也衝思為灰砂依土感  
也 四味報二 一依根感業

四者味報招引惡果此味業交則臨終時先見鐵網猛焰  
熾烈周覆世界二者神識下透掛網倒懸其頭入無間獄  
發明二相一者吸氣結成寒冰凍列身肉二者吐氣飛為  
猛火焦爛骨髓 舌根屬心發語周人貪味網物故感  
鐵網熾烈周覆舌業所依不離吸吐吸氣為寒吐氣為  
熱蓋常理也 二隨根轉變

如是嘗味歷嘗則能為承為忍歷見則能為然金石歷聽

則能為利兵刃歷息則能為大鐵籠彌覆國土歷觸則能  
為弓為箭為弩為射歷思則能為飛熱鐵從空而下  
舌散生命使彼承忍故歷嘗發苦使已承忍依見貪味  
故能為然金石依聽發惡故能為利兵刃依顛恣貪籠  
取群味故能為大鐵籠觸味傷物故感弓箭以自傷緣  
味思物故感飛鐵以充味

五觸報二 一依根感業

五者觸報招引惡果此觸業交則臨終時先見大山四面  
來合無復出路亡者神識見大鐵城火蛇火狗角狼師子  
牛頭獄卒馬頭羅刹手執鎗稍驅入城門向無間獄發明  
二相一者合觸合山逼軀骨肉血潰二者離觸亦觸身



心肝層裂。身業多受惡觸多起惡觸故報招大山來  
合及鐵城火狗等皆惡觸雜感也觸業所依不出離合  
屠裂即離相也

二隨根轉變

如是合觸歷觸則能為道為觀為廳為案歷見則能為燒  
為藝歷聽則能為撞為擊為刺為射歷息則能為拈為袋  
為考為縛歷嘗則能為耕為針為斬為截歷思則能為墜  
為飛為煎為炙。道趣獄路也觀獄王門闕兩觀也廳  
案治罪之處皆身觸所依也燒殺見觸也撞擊聞觸也  
拈袋息觸也耕針舌觸也飛墜思觸也刺射考縛則相  
因為舉尔割插刃於肉也拈袋所以收氣也思業飄蕩

故感飛墜之事

六思報二

一依根感業

六者思報招引惡果此思業交則臨終時先見惡風吹壞  
國土亡者神識被吹上空旋落乘風墮無間獄發明二相  
一者不覺迷極則荒奔走不息二者不迷覺知則苦無量  
煎燒痛深難忍。思屬土而飄蕩故見惡風吹壞國土  
等事思業所依不出迷覺荒奔迷思也知苦覺思也

二隨根轉變

如是邪思結思則能為方為所結見則能為鑒為證結聽  
則能為大合石為冰為霜為土為霧結息則能為大火車  
火船火檻結嘗則能為大叫喚為悔為泣結觸則能為大  
為小為一日中萬生萬死為偃為仰。思必有所故結



思則為受罪方所見能鑑證故結見則為證罪人事結  
 聽能為大合石等水土交感也車船檻乃息氣乘亂思  
 所變也嘗即舌根聲所自發也大小已下皆言其身乃  
 觸業乘亂思所變也  
 三結由妄造

阿難是名地獄十因六果皆是衆生迷妄所造

四詳明輕重五 一極重

若諸衆生惡業同造入阿鼻獄受無量苦經無量劫

同於六根具造十因兼境兼根名惡業同造其罪極重

故入阿鼻具五無間 二次重

六根各造及彼所作兼境兼根是人則入八無間獄

各造則有先後間歇為次重故入八無間即八熱獄也

有心而不及犯則不兼境無心而誤犯則不兼根故作  
 特犯兼二矣 三又次

身口意三作殺盜淫是人則入十八地獄 身口意

殺盜淫乃重罪以不遍六不具十故又次前也大獄只

有八寒八熱餘經有十八萬子地獄及八萬四千眷屬

等獄皆大獄所分 四稍輕

三業不兼中間或為一殺一盜是人則入三十六地獄

三業不兼謂具二闕一也 五次輕

見見一根單犯一業是人則入百八地獄 上具二闕

一此犯一闕二故又輕也見音現明然不兼也

五結答所問





由是衆生別作別造於世界中，入同分地，妄相發生，非本來有。別作同分者，如別造極重，而同入阿鼻，別造次輕，而同入百八，是也。二鬼趣三。一標緣起。復次阿難，是諸衆生，非破律儀，犯菩薩戒，毀佛涅槃，諸餘雜業，歷劫燒然，後還罪畢，受諸鬼形。非破律儀，無正範也。犯菩薩戒，無正因也。毀佛涅槃，無正果也。三者不正，諸餘皆邪，故墮獄罪，畢即入鬼趣。二明感類。此類乃感習雜相，所謂諸餘雜業，不必局配十因文義，不循。若於本因，貪物為罪，是人罪畢，遇物成形，名為怪鬼。貪色為罪，是人罪畢，遇風成形，名為魃鬼。為罪，是人罪畢，遇風成形，名為魃鬼。本類化理也。

貪物則悟著不釋，故附物為怪。貪色則惑於妖邪，故墮為妖。魃鬼遇風成形，若魃鬼遇畜，癘鬼遇衰，各隨其本類化理也。貪惑為罪，是人罪畢，遇畜成形，名為魅鬼。貪恨為罪，是人罪畢，遇蟲成形，名為蠱毒鬼。貪惑為魅，貪恨為毒，固其理也。魅精魅也。貪憶為罪，是人罪畢，遇衰成形，名為癘鬼。貪傲為罪，是人罪畢，遇氣成形，名為餓鬼。憶者常懷姦虐，故遇灾衰處為癘。虐鬼傲者虛憍恃氣，故乘飢虛氣為餓鬼類。貪罔為罪，是人罪畢，遇幽為形，名為魘鬼。貪明為罪，是人



罪異遺精為形名題題鬼

貪固者潛心陰昧遇幽為魘皆陰昧事也貪明者妄意

高明故陰附精明成題題類

貪成為罪是人罪畢遇明為形名役使鬼貪黨為罪是人

罪畢遇人為形名傳送鬼

貪成者希意曲從故影附明靈為役使鬼即依靈廟為

駟使者貪黨者阿附邪佞故遇人成形為傳送鬼即附

巫祝而傳吉凶者三結虛妄

阿難是人皆以純情墜落業火燒乾上出為鬼此等皆是

自妄想業之所招引若悟菩提則妙圓明本無所有

情業積水故下墜燒乾則情業已盡復乘想業上出皆

迷妄之為也圓明覺心本無是事

三畜趣三 一標緣起

復次阿難鬼業既盡則情與想二俱成空方於世間與元

力負人冤對相值身為畜生酬其宿債

獄報情業鬼報想業故鬼業盡則二報俱空復償負業

二明感類

物怪之鬼物消報盡生於世間多為梟類風魃之鬼風消

報盡生於世間多為咎徵一切異類

上梟附塊即邪著餘習也魃鬼昔為妖孽故餘習復為

咎徵咎徵者凶事前驗如鼯鼠呼人商羊舞水類也

畜魅之鬼畜死報盡生於世間多為狐類蠱蠱之鬼蠱滅



報盡生於世間多為毒類。為魅憑畜故餘習為狐蛇

虺蝎蝮皆毒類。

衰癯之鬼衰窮報盡生於世間多為蛔類受氣之鬼氣消報盡生於世間多為食類。

癯鬼巖人螻蛄附人鬼中飢虛畜中充饋。

綿幽之鬼幽消報盡生於世間多為服類和精之鬼精消報盡生於世間多為應類。

綿著也著幽魔人故為服類亦綿著於人即蠶虫牛馬

類也和合也以合精餘習能應節序即社燕寒鴈蟋蟀類也。

明靈之鬼明滅報盡生於世間多為休徵一切諸類依人

之鬼人亡報盡生於世間多為循類。明而不幽故為

休徵即嘉鳳祥麟類也昔依人故馴服於人即猫犬鷄

犬類也凡諸異物性妙乎神靈通於人若龜善考祥馬能知道乃至寒鴈蟋蟀之類不假曆數冥知節序皆餘

習也各言多者約業習多分言之未必盡然也。

### 三結虛妄

阿難是等皆以業火乾枯酬其宿債旁為畜生此等亦皆

自虛妄業之所招引若悟菩提則此妄緣本無所有如汝

所言寶蓮香等及琉璃王善星比丘如是惡業本自發明

非從天降亦非地出亦非人與自妄所招還自來受苦提心中皆為浮虛妄想疑結。



四人趣三

一明酬業二

一及徵其剩

復次阿難從是畜生酬償先債若彼酬者分越所酬此等  
 衆生還復為人及徵其剩如彼有力兼有福德則於人中  
 不捨人身酬還彼力若無福者還為畜生償彼餘直  
 為畜正酬酬過其分則為人及徵過分謂非理若侵食  
 敬無度悉皆及徵然則凡所食取宜無過分也

二因徵交讎

阿難當知若用錢物或役其力償足自停如其中間殺彼  
 身命或食其肉如是乃至經微塵劫相食相誅猶如轉輪  
 互為高下無有休息除奢摩他及佛出世不可停寢  
 償足自停則無交讎償足不停則交讎不已自非正修

正力莫之過絕

二明感類

汝今應知彼臭倫者酬足復形生人道中  
 參合頑類彼若  
 徵者酬足復形生人道中  
 參合愚類彼若孤倫者酬足復形  
 生人道中  
 參合狠類彼若毒倫者酬足復形生人道中  
 參合庸類彼若蛔倫者酬足復形生人道中  
 參合微類彼若食倫者  
 酬足復形生人道中  
 參合柔類彼若服倫者酬足復形生人  
 道中  
 參合勞類彼若應倫者酬足復形生人道中  
 參合文類  
 彼休徵者酬足復形生人道中  
 參合明類彼若循倫者酬足  
 復形生人道中  
 參合達類  
 鼻以附塊相食故餘習頑  
 罵不義豎以姪妖迷性故餘習愚鈍不智狐以畜性自  
 一徇故狠皮不率毒以虫蠱自昏故庸陋不敏蛔以衰氣



附物故衰微不齒食倫出於餓敢故柔慟不勇服倫出於綿著故勞役不息應倫出於精明故文物不陋休微出於靈知故聰明不昏循倫宿涉世事故曉達不昧是等皆非正報乃餘習所偶故云參合後三皆便巧雜伎世智辯聰者非賢達文明之事也

三結虛妄

阿難是等皆以宿債畢酬復形人道皆無始來業繫顛倒相生相殺不遇如來不聞正法於塵勞中法爾輪轉此輩名為可憐愍者

邪倒業輪惟正能止故不遇如來為可憐愍者

五仙趣三

一標緣起

阿難復有從人不依正覺修三摩地別修妄念存想固形遊於山林人不及處有十種仙

僊遷也人之形神能

遷而死者故曰存想固形然終歸敗毀比天為考比人為優故別開

二明感類

阿難彼諸眾生堅固服餌而不休息食道圓成名地行仙堅固草木而不休息藥道圓成名飛行仙

以藥餌駐一期之壽而不能輕舉名地行食黃精松栢之類久而身輕名飛行行功行也

堅固金石而不休息化道圓成名遊行仙堅固動止而不休息氣精圓成名空行仙

鍊金石還丹之類化骨易形撮土點石以遊戲人間名遊行乘陰陽運止以調氣固精遺形涉空名空行

堅固津液而不休息潤德圓成名天行仙堅固精色而不



休息吸粹圓成名通行仙 鼓天池嚙津液冰雪焯灼

不交世欲與天無異名天行吞吸精色服虹飲霧粹氣

潛通名通行

堅固既禁而不休息得法圓成名道行仙堅固思念而不

休息思憶圓成名照行仙 能以得法述道自然名道

行澄契精思久能照應名照行或存想頂門而出神繫

心臍輪而煉丹皆思憶圓成也

堅固交遘而不休息感應圓成名精行仙堅固變化而不

休息覺悟圓成名絕行仙 內以坎男離女正配夫妻

外即採陰助陽攝衛精氣名精行存想化理心隨邪悟

能大變化其行絕世名絕行 三結虛妄



難具等皆於人中鍊心不修正覺別得生理壽千萬歲

休止深山或大海島絕於人境斯亦輪迴妄想流轉不修

三昧報盡還來散入諸趣 六天趣三

初欲界六天二 一列明六 初四天王天

阿難諸世間人不求常住未能捨諸妻妾恩愛於邪淫中

心不流逸澄瑩生明命終之後鄰於日月如是一類名四

天王天 未能離欲但能窒欲使愛水不流則湛性澄

瑩故能生初天也六天由修五戒十善而致今但約欲

微增勝者欲愛為輪迴根本前明淪墜亦始於此此明

超騰亦始於此意使初心未能成就禪定智慧且疾斷

根本則輪迴可出也 二三十三天



於已妻房姪愛微薄於淨居時不得全味命終之後超日月明居人間頂如是一類名初利天。此愛薄於前故報居其上後迤然也。淨居謂清淨自居之時未全清淨之味為有微愛故也。日月居須彌腰初利居頂以澄澄增明故能超之。三時分天。逢欲暫去無思憶於人間事動少靜多命終之後於虛空中朗然安住日月光明上照不及是諸人等自有光明如是一類名須跋摩天。欲心不作故動少靜多也。六欲下二名地居天上四名空居天不須日月而常明以蓮華開合分晝夜故名時分。四知足天。一切時靜有應觸來未能違戾命終之後上昇精微不接

下界諸人天境乃至劫壞三灾不及如是一類名兜率陀天。雖靜心愈多亦未免應觸此能少欲未能無心也。

兜率天有內院外院三灾至三禪而此不及者約內院言之精微不接皆內院之事也。五樂變化天。

我無欲心應汝行事於橫陳時味如嚼蠟命終之後生越化地如是一類名樂變化天。此無心而境自至曰橫

陳嚼蠟言味甚薄也。諸天皆有報境而此天樂自變化以受用越於下天故名越化。六他化自在天。

無世間心同世行事於行事交了然超越命終之後徧能出超化無化境如是一類名他化自在天。了然超越

言全無味也。化即第五天無化即下天也。諸欲樂境不





勞自化皆由他化而自在受用名他化自在

二結妄

阿難如是六天形雖出動心迹尚交自此已還名為欲界  
雖出塵擾未能絕欲故通名欲界

大佛頂如來密因修證了義諸菩薩萬行首楞嚴經卷第八

胤詳音鑽祖官切復音福椽其月切刺七迹切校音効屎音矢尿乃吊切碾尼展切

磴對音切慈莫候切呬音匹稍音朔刺切魘音跋魘於琰切

大佛頂如來密因修證了義諸菩薩萬行首楞嚴經卷第九  
溫陵開元蓮寺比丘戒環解

二色界十八天

雖離欲染尚有色質故名色界通名梵世為已離欲染  
也通號四禪為已離散動也欲天但十善感生此天無  
禪定感生然持有漏禪觀六事行耳六行者厭欲界是  
苦是塵是障欣色界是淨是妙是離此則凡夫伏惑超

世間道也文二 一列明四 一初禪三天四 一梵眾天

阿難世間一切所修心人不假禪那無有智慧但能執身  
不行淫欲若行若坐想念俱無愛染不生無留欲界是人  
應念身為梵侶如是一類名梵眾天不假禪那等者